

صاحب امتیاز و سر محرری
اورفه مبعوثی

شیخ صفوت

مرکز توزیمی باب عالی جاده سنده
جمعیت کتبخانه سیدر

نسخه سی ۲۰ پاره در

تصوف

بالجمله محررات در سعادت پوسته خانه سنده
تصوف جریده سی نامه کوند رملیدر.
قوطو نومرو سی ۱۴۲

شرائط اشترا

سنة لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

التصوف کله آداب : ابو حفص عمر بن مسلمه

عرفای امتک مقالات عارفانه لر بنه تصوفک تحفیه لر ی آچیقدر

تصوفه متعلق مباحث شتادن باحث و مکارم اخلاق اسلامیتک تعمیغه خادم مجله معنویه در

معنویہ تک بر وارث اسمعی بولنان شیخ اسمعہ افندی
حضرتلرینہ تودیمی بالطبع دھا زیادہ مستلزم فخری

پایاندر .


شو وسیلہ دن بالاستفادہ آنجی بوجھتک علاوہ سنہ لزوم
کورور مکہ معلوم دقایق ملزوم رشادت پناہ گیری بیورلدینی
اوزرہ بوکون ممالک محروسہ داخلندہ اک زیادہ و سائط
اصلاحیہ عرض افتقار ایدن محللر خطہ عراقیہ ایلہ
کردستان قطعہ مندین عبارت اولوب بو حالک باشلوجہ
اسبابی ایسہ علوم ظاہرہ و باطنیہ منسوب اعظم رجالک
او حوالیدہ انقراضہ یوز طوتمسیلہ برابر وقتیلہ هر ی
عالم اسلامیتک مدار افتخاری اولان بیکراخہ مرشد
و مصنف یتیشدرمش و بوکون علم و طریقتک تدنی بہ توجہ
ایتمی نتیجہ سی اولارق بر خرابہ زار شکلی آلمش
و ذاتاً او حوالیدہ کی منسوبین طریقتک اکثریتی
علما صنفندن بولند قنری جہتلہ نشر علوم و احکام
طریقتک عین زمان و مکاندہ بر دارالطبیق بولمش
اولان مدارسک ادارہ سابقہ نظر اہمیتدن دور
طوتملی مسئلہ سیدر .

بناءً علیہ بو خصوصک موقع تدقیق و تأملہ وضعیلہ
برابر جمعیت محترمینک افکار و آمال خیر خواہانہ سنک ملحقانہ
حسن تعمیم و تفہیمہ خادم الموق و تکلیا و زوایانک محتاج
اصلاح و اکال اولان نواقصندن وقت و زمانندہ معلومات
آلہ بیلمک اوزرہ بغداد موصل دیار بکر بتلیس وان
ارضروم ولایتک و قتیلہ بر منبع فیض و ارشاد و مطاف
محترم صلحای عباد اولان محللرندہ برر شعبہ نک کشادیلہ
اوحوالی مشایخندہ توزیع اولحق اوزرہ جریدہ
فریدہ لرینک ہر نسخہ سندن منتظماً برایی یوز عددینک
بندیہ ریاستلرینہ ارسالی و ایجابندہ جمعیت نامنہ نصایح
و تبلیغات دیندارانندہ بولحق و فضائل صوفیہ ایلہ فیض
مشروطیتک افکار غومیہ دہ تقریری خصوصنہ خدمت
ایتمک مقصدیلہ کفایت مجربہ ارباب سندن بعض ذواتک
اوجہ تارہ اعزامی کبی تدابیرک تطبیق و استعمالی نظر

تصوف

جمعیت صوفیہ نک آمال کزیدہ علویہ سنک صاحب مقالہ
حیدری زادہ ابراہیم افندی حضرتلری کبی عرفای
امتنک نظرکراہ فضیلتلرندہ تقدیر بیورلمسی ترقیات جدیہ
ملیہ مزک مبشرات معنویہ سندن در .

بالعموم مدارس اسلامیہ صرہ سندنہ کردستان خطہ
وسیمہ سی معاهد علمیہ سنک دہ اسباب ترقیبی مشیخت
جلیلہ جہ نظر دقت و اہمیت آلمش و جمعیت صوفیہ نک ایسہ
اومعالم مندرسہ فضل و عرفانک احیا و انکشافنہ توسط
ایلمی ذاتاً جمعیتک آمالندن بولمش اولغلہ مقالہ دہ ایضاح
ایدیلان و جابجا فیض مشروطیتک نشر و تعمیمنہ خادم
اولان تشبہات نافعہ نک تجلیات ساطعہ سی الطاف مقدسہ
آلہ یندن دعا و نیاز ایلرز .



تربیہ

تربیہ لسان انامدہ : طور و حرکت ، نزاکت
و ظرافت معناریہ کلیرسہ دہ لغت و اخلاق نقطہ نظرندن
غایت واسع و دقیق معانی بی شاملدر . لغویونک قولنہ جہ
تربیہ کلہ سی یوکسک یرہ چیقق و برشیک حداصلیسی
یکمک معناسندہ بولنان (ربو) مادہ سندن مشتقدکرہ
بووضع اعتباریلہ بوکا اثراہتام دیمک کافیدر .

علم اخلاق علماسنک ایراد ایلدکاری اک قبضہ تعریفہ
کورہ تربیہ جبلیت بشریہ نک مستعد اولدینی تکملاتی
حصولہ کثیرمکدر .

حکمای قدیمہ نک بر قسمی تربیہ : روح و جسدہ
مکن اولدینی درجہ حسن و کمال ویرمکدر . و بر قسمی

دخی چو جفی وظائف دینیہ و دنیویہ سنی ایفایده بیلہ جک
بر حالہ ایصال الیکدر دیہ تعریف اتمشدر . دقت
ایدیلیرسه کوریلیرک : بوتعرفلرک ایکسیدہ عین مقصدی
متضمندر . علم تربیہ اطفال علماسی ایسه تربیہ :
چو جک مزیت انسانیه سنی طبیعت حیوانیه سنه غالب
قبلمقدر دیشدر . مناخرین فلاسفدن بر ذات دخی
تربیہ : انسانی کندینه و دیگرلرینه واسطه سعادت اتمکدر
یولنده هم حکیمانه همده شاعرانه برصورنده دهاکوزل
ایضاح ایشدر معناجه مترادف ، لفظاً متخالف اولان
تعریفات مذکورہ نک هیئت عمومیه سندن بر نتیجه چیقارمق
لازم کلیرسه تربیہ : انسانک جمیعت بشریه آراسنده
نائل حرمت و وجدانی حضورنده مظهر مکافات
و استراحت اولسی ایچون نه یولده حرکت اجمعی ایجاب
ایده جکنی یعنی وظائف انسانیه سنک ندن عبارت
بولندینی تعیین ایدن اصول و قواعدک هیئت مجموعہ سیدر .
دیمک اقتضا ایدر . فی الحقیقه بر آدمک بوتون معناسیله
تربیہ لی اولسی تربیہ قانونک دائره شموله داخل
بولنان بر طاقم وظائفی ایفا ایلمسنه وابسته در بوده
مهددن لحده قدر اوکره نلکله غایتنه وارلیسان بر علم
عالیدر .

تربیہ باشلیجه اوج قسدر : تربیہ جسمانیه ، تربیہ
فکریه ، و تربیہ اخلاقیه در . وظائف دینیہ و دنیویہ
مزی تمامیه ایفایه قادر اوله بیلیمک ایچون قوای بدنیہ جه
حال صحت و کلاجه بولمقلغمز ایجاب ایدر . وسائل
معیشتی اکتساب اتمک ، تحصیل عام و معرفت ایلیمک
نصل صحت وجوده منوط ایسه فرائض دینیہ مزی ادا
ایده بیلیمکده صحت و عافیته وابسته در . بو حکمته
مبیدرک : فخر کائنات علیه افضل التمجیبات افدمن
حضر تلمری علم ابدانی علم ادیانہ تقدیم بیورمشدر .
ایشته تربیہ جسمانیه نک اساسی بودر . بناءً علیه هنوز
ملکات عقلیه سی تکمل ایتمامش بر چو جفه تحملندن زیاده
در سار اعطاسیله دماغنی تضییق و قوای مادیه سنی خللدار
ایتمک ، آنی دائماً هوا و ضیادن محروم برلرده بولندیرمق ،

ریاضیات بدنیہ سنه ویبوب ایجمسنه دقت و اهتمام ایتمک
چو جوغه قارشو جنابت ایشلمک دیمکدر . سعادتنی
تعریف ایدن بر فیلسوف صاعلام بر وجودده صاعلام
بر دماغ دیمشدرک : فی الحقیقه دماغک سلامتی هر حالده
وجودک سختنه تابعدر .

وجودک صحنی ایسه احتیاجات حیاتیه ده قاعده
اعتدالهرعات ، ریاضیات بدنیہ مداومت ، شرع شریف
وعقل سلیمک نهی ورد ایلدیکی هوسات وشهوات نفسانیه دن
مجانبت ایلکله تأمین اولنه بیلیر . تاریخلر مزنک شهادتیه
دخی ثابتدرک : اجداد مزنه و وجودجه بزلره فائق
ایدلر . انک ایچون عزم ، ثبات ، و آشنیدن موفقیّت
اعتبار یلده بزی یکمشدردر زیرا انلر (علیکم بالاخشیشاب)
حدیث شریفنه امتثالاً جرید ، قالفان قلنج و آت یاریشلری
کبی ریاضیات بدنیه و حرکات جسمانیه ایلله وجودلرینی ،
عضله لرینی تقویه ایدرلر ایدی حدیث شریفده وارد
اولان اخشیشاب کله سی : تقویه ایچون عضلاتنی یورمق
معنا سنه در شمدی دخی مملک متعنه دهه بواصول جاریدر .
تربیہ فکریه کالات مدنیده واکا واسطه اولان علوم
وفنون و کشفیات و اختراعات فنیه و صناعیه ده انسانی
موفقیاتیه حاضریله جق تهذیبات و معلومات اکتسابندن
عبارتدر . معدنه غدايه محتساج اولدینی کبی فکر مزده
انک غدا ی معنویسی اولان علم و معرفته عرض احتیاج
ایدر فکر تقدیه ابدلکجه ترقی ایدر و بزی برحیات
مسعودانیه مظهر ایلر . تربیہ اخلاقیه کله جه انسانک
یاکنز جسماً و بدناً قوی ، فکرآ مرتقی اولسیله ینه تمامیه
بشربندن مطلوب اولان کالاتی تأمین ایدمنه بویابده مهم
برقصان ده قالدیرک انکده جبر واکلی اقتضا ایدر اوده
تربیہ اخلاقیه در .

تربیہ اخلاقیه : دور صاوتدن اعتباراً چو جقه ده
حقه محبت ناحقه نفرت حسلرینی یواندیرمق ، ملکات
عقلیه سنی تربیده چالیشمق ، جدیت و متانتک علویتنی
اوکرتمک ، وسو ، قربندن محافظه اتمک صورتیله تلقین
و تثبیت ایدیله بیلیر . تربیہ اخلاقیه دن بی بهره بولنانلر

تربیه فکریه جه یعنی علم و معرفتجه تقدیر مرقی اولسه لر
ناقصد لر. مع هذا تربیه جسمانیه ایله تربیه فکریه بری
برینه مربوط اولدینی کبی تربیه فکریه ایله تربیه اخلاقیه
آراسنده دخی صیقی برمناسبت واردر.

تربیه اخلاقیه نك منشائی عااله اولدینی کبی حسن
قرین ایله سوء قرینك ده بونك اوزرینه بیوك تأثیری
اوله بیلیر. الحاصل انسان اطلاقنه سزاوار اولانلر :
جسماء ، فکرآ و اخلاقاً ایو تربیه کورمش آدملر در.

محمد امین



ادبیات صوفیه

مشورت

حمد بی حد که خداوند عباد
مشورتله بزی ایتدی ارشاد

لاجرم حضرت قرآن و رسول
ایدر انسانلری حقه موصول

ایده لم نعمت حقی تحدیث
وار بوباید نه آیت وحدیث

حقدن انسانلره قرآن هبه در
اوجهان سروری ده مو هبه در

او جزالتی خطاب اللهک
او سلاستلی کتاب اللهک

اولدیفندن سری با آخری سین
بس دیکدر دیدیلر اهل یقین

شبهه یوقدر بو کتاب اقدس
دار دنیاده بزه بسدر بس

دیدى قرآنده رب قادر
حضرت فخر انامه «شاوور»

او ایکن واقف اسرار قدر
وحی والهام خدایه مظهر

یو یکن مثلی آتی رب غفور
امر «شاوور» ایله ایتدی مأمور

اک مهم ایشلری فخر عالم
استشاره ایله کوردی هر دم

بونی انکار ایده من هیچ برار
اشته قرآن کریم اشته سیر

بر حدیثنده دیدی بوالقاسم
استشاره ایدن اولمز نادم

مقدم من ایکی عالم کونشی
استشاره ایله کوردیسه ایشی

مشورت اتملی هر آن و زمان
آکا تابع اولان اهل ایمان

اوله من ذره قدرده قطعاً
مشورتله کوریلن ایشده خطا

اولمز انسان ایچون ای مردخیر
مشورتدن ده قوتلی ظهیر

اک متین عقدۀ مقصود و مراد
اولمز دست عنایتله کشاد

اک چنین ایشلری عاقللر
استشاره ایله تسهیل ایلر

اک قوی دشمنی اهل تدبیر
استشاره ایله ایلر تدبیر